

ITERANIBA N AONON TE BETEBEKE

TE RONGORONGO MAIROUIA TAAN KAIRIIRI N TE AONO

Karaoan te "Kamaiu" bon te Bwai ae Moanibwai Iroura n Tatabemaniira ao n te Utu

Iroun Unimwaane 'Aisake K. Tukuafu

Teuana te bwai ae moan te kakawaki n Ana Kainibaire te Aono n te Betebike 2017 bon; kawaekoaan te mwakuri ni kamaiu man, karaoakina iroura n tatabemaniira ao nakoia utu ni kabane.

E taku te Uea, "Ao ngkana ngaia bwa kam na mwakuri n ami bong ni kabane n takaruaea te rairannano nakoia aomata aikai, ao ni kairia nakoio, ngkana ti temanna te aomata nakoio, ai korakorara kimwareireimi ma ngaia n abanuean Tamau! Ao ngkai, ngkana kimwareireimi e korakora ma temanna te aomata are kam kairia nakoio n uean Tamau, ai korakorara riki kimwareireimi ngkana kam kairia aomata aika mwaiti nakoio!"¹

N Aokati 2015, kainnabau Titita Tukuafu ao Ngai ti kaea te maungatabu ni kabuta n te titeiki ibukin te Titeiki Neiafu Vava'u i Tonga Meang. Imwain rokora, I tuanga te beretenti n te titeiki bwa e na tataro ma te onimaki ibukiia utu aika teniman aika ti na kawariia ma te kouru bwa ti na kamaiuia ao ni uotiaa rikaaki nakon te nanai. Temanna maibuakoia utu ake ti kawariia bon ana utu Falanaka ao Senitelela Fetuani ao teniman natiai aine.

Falemaka bon temanna ae moan te mwakuri korakora ibukin ana aro. E ngae ngke kainabana Senitelela ao angiai natiai bon kaain Ana Ekaretiia Iesu Kristo ibukiia Aika Itiaki ni

Boong aika Kaitirra, tabeman kain ana utu a rinea bwa ana kaina ana ekaretiia Falemaka. E ngae ngke Falemaka tiaki kaain te ekaretiia, natina te mwaane e mitinare i America ao natina te aine e mitinare i England.

I titirakina Falemaka, "Tera ae karikiko bwa ko na kariaia natim te mwane ao te aine bwa ana butimwaea ana wewete te Uea ngke ko ataia bwa a na baki n taai tabetai, a na nakonako inanon te kabuehue, ana rinanon te mwaitorotoro n te aba are a na mwakuri iai ao n tiku n aaba itinaniku inanon uoua te ririki ibukin natim te mwaane ao 18 te namwakaina ibukin natim te aine?"



Unimwaane
'Aisake K. Tukuafu



E kaeka Falemaka nakon au titiraki ma te onimaki ae korakora bwa a tia natina n rangin ni kakabwaiakaki rinanon irarikin ana burokuraem ana euangkerio Iesu Kristo. I ataia man ana kaeka bwa e tauraoi ni bwabetitoaki, ma I aki ataia bwa tera ae tukia.

Imwain kitankin mweengaia, I tibwaua au kakoaua n ana euangkerio Iesu Kristo ao ni kanakoa au kakao nakon Falemaka.

"Ko a tibwa tia n ongo ana koaua ana tia kakoaua Iesu Kristo are E a tia ni katabuaki iaon te aba aei, ao ko na aki rau, ni karokoa ae ko kariaia te kakao aei bwa ko na bwabetitoaki ao ni karekea ana bwaintituaraoi te Tamnei ae Raoiroi are e na kakoaua nakoim te Tama are i Karawa ao Natina Iesu Kristo ao ana riki bwa taan karaunano nakoim," I taku.

E butimwaea te kakao Falemaka bwa e na ira te tetere n te maungatabu n te Kaonobong ao n te Tabati. Te kibu man te anene n Tonga, "Tukua hoo'o tolo i taimi" nanona "Katoka taotaonakin te tai", e tiku n ana iango ao n nanona.

Ti uaia n amwarake n te tawanou ma ngaia n te Tabati ao Titita Tukuafu e kabwarabwara kakawakin te bwa betito ao te kukurei ae a tia ngaia ma ana utu ni karekea bukina bwa a ira ana banna ni katooto Iesu Kristo.

Ngkanne Falemaka e katanoata, "e a tauraoi te iunaki, e nga te ran ao

tera ae tukai bwa n na bwabetitoaki n te bong aei?"

Tataro, katangitang, ao taetae n tain te maungatabu a riinga nanona ao n anganna kamatoaan nanona bwa e na bwabetitoaki. N aki iremwe nakon ana bubuti, e bwabetitoaki n te tairiki anne. Te Tabati are imwiina, e karekeana bwaintituaraoi te Tamnei ae Raoiroi ao imwiina e katabuaki nakon te nakoanibonga. E karekeana naba ana

entauamente n te tembora ao ni kabaeaki ibukin te tai aei ao akea tokina nakon buuna ao natina, n raonaki ma uoman ake a tia ni mate. I ataia bwa kimwareireira, ara onimaki ao ara kakoaua iroun Tamara are i Karawa ao Iesu Kristo ana rikirake ao ni korakora ngkana ti kabanei ara tai iaon kamaiuaia aomata ao utu. ■

BWAAI AIKA A NA TARAAKI

1. Doctrine & Covenants 18:15–16.

Hallstrom man te Beretitentii n te Itingaun ao Bitiobi Gérald Caussé, te bitiobi n tararua n te Ekaretia ma kaain abaia. A kaitibo ma taan kairiiri irouia Aika Itiaki ni Boong aika Kaitira, kaain te aro ao mitinare i Nuku'aloa, Auckland, Hamilton ao Perth.

Bitiobi ao Titita Caussé a kawara naba Tahiti.

Kairake Aika Itiaki ni Boong Aika Kaitira man te Nuku'aloa Tonga Harbour Titeiki i Tonga a butimwaea Unimwaane ao Titita Renlund ma katei ao aekan mwaien te aba aika kakaokoro aika a taekina rongorongon Tonga.

Unimwaane Renlund e taetae nakoia ae kaniia 1,500 ataein te reirei n Ana Kuura n Reirei te Liahona ae Rietata i Nuku'aloa, Tonga bwa ana kanga ni kabonganai titiraki ni karekeaa te koaua.

"Te nanououa bon tiaki te tia karika te onimaki," e taku. "E aki kaineti nakon te onimaki. Te titiraki ae koaua e kona ni kairiko nakon te onimaki, ma e aki titiraki n te nanououa bukina bwa te aomata ane nanououa bon ngaia are e karaoa te bibilitaki n nano."

E tuangiia ataein te reirei Titita Renlund taekan tibuna, ake anga reirei n te reirei tao 50 te ririki n nako. E katuruturua ni kamatata nakoia kairake bwa, n aron unikan te kora, babaire iai mwiia n tainako.

"Ngkana ko tangiria n riki bwa te aomata ae e korakora ana atatai, ko tangiria n unika koraan katein te kamatebwai ae tamaroa n te bong aei," e taku. "Ngkana ko tangiria bwa te aomata ae iai irouna te korakora n tamnei, ko na kainnanoia n unika koraan te akoi ni maium n te bong aei."

ANA ITERANIBA TE TABO

Abotoro a kawara te Betebike

Man Ana Ruu ni Kareke Rongorongo te Moomon

Te Abotoro ae Unimwaane Dale G. Renlund ao kain abana ae Titita Ruth Renlund, a uota te kimwareirei inanoia kaain te Betebike n rokoia

ae nako i Tonga, New Zealand ao Australia.

Unimwaane Renlund e rao-naki iroun Unimwaane Donald L.



Unimwaane Dale G. Renlund e butimwaea kairake aika kaain Tonga.



↑ *Unimwaane Dale G. Renlund ao Titita Ruth Renlund a butimwaeaki irouia kaain Ana Ekaretia Iesu Kristo ibukiia Aika Itiaki ni Boong Aika Kaitira i Tonga.*



← *Unimwaane Dale G. Renlund ao taan kairiiri ake tabeman n te Ekaretia a butimwaeaki nako Tonga irouia taan kairiiri ao kaain Ana Ekaretia Iesu Kristo ibukiia Aika Itiaki ni Boong Aika Kaitira.*

N te maungatabu teuana ae onoti i Nuku'alofa, Unimwaane Renlund e taekina taekan te bootaki ma taan kairiiri irouia Aika Itiaki ni Boong Aika Kaitira ao Te Uea n Aine ae Karineaki, te Uea n Aine Nanasipau'u, ao kaain te Utu n Uea i Tonga ake tabeman.

"I tuai man kaitibo ma taan tautaeka aika a tabeaianga riki irouia aia aomata nakon Aia Uea ni mwaane ao Aia Uea n aine ae Karineaki," E taku Unimwaane Renlund.

"Ti kakoaua ae ti na karineia taan tautaeka ao ueea," e taku. "Kaain ana Ekaretia Iesu Kristo ibukiia Aika Itiaki ni Boong Aika Kaitira a riai n riki bwa kaain Tonga aika kabanea n tamaroa."

Kairake mai Hamilton, New Zealand a reke naba aia tai n titirikina Unimwaane Renlund titiraki ake a roko n aia iango.

E raonaki Unimwaane Renlund n aia bootaki n taromauri kairake

ironi buuna, Titita Ruth Renlund, ao Unimwaane Craig A. Cardon man te Beretitentii n Aonon te Betebeke, ma buuna ae, Titita Deborah Cardon. E

kairaki te bootaki ironi Unimwaane David J. Thomson man te Itingaun.

Imwain te bootaki, a kaoaki kairake bwa ana kanakoi aia titiraki ibukiia



Unimwaane Dale G. Renlund e kaitibo ma mitinare aika a beku i Perth, Australia



Kairake mai Hamilton, New Zealand a reke aia tai n titirakina Unimwaane Renlund titiraki aika a roko n aia iango.

taan kairiiri n te Ekaretia. Mwiina bon titiraki aika onoti aika 129 aika reke mai irouia kairake.

Taan kairiiri n te Ekaretia anga iango ao reirei nakoia kairake aika ikotaki iaon titiraki aika kakaokoro man aroia ni kaeka nakon te wewete mairoun te Uea, nakon aron te bure n iai mwiina n te tamnei.

N te kaeka nakon te titiraki bwa temanna e na teimatoa n tataro ngkana aki kororaoi, Unimwaane Renlund e tuangiia kairake bwa "E tangiriira Iesu Kristo ao e kaoira bwa ti na bitaki. Ti aki karekea te kabwarabure, ti tau ni karekea."

Man ana taeka Nelson Mandela, e taku, "Te aomata ae itiaki bon te tia bure ae teimatoa ni kataia."

Ni kaeka nakon te titiraki, "N na kanga ni kunea te nano n tannako man te bure?" E reirei Unimwaane Renlund ti aki kona n tannako man te bure man iangoakin te bure. Ti riai

n iangoa te Tia Kamaiu n tannako man te bure. E taku naba ngaia bwa ngkana ko aki rangin n ataa te Tia Kamaiu ko na aki karekea te nano n tannako man te bure.

E tuangiia kairake Unimwaane Renlund, "E aki tabe te Atua bwa antai ngkami; ma E tabe bwa antai ngkoe ao tera arom are ko na karekea."

E tiku naba Unimwaane Renlund n aonon Mandurah i Maeao Aotiteria ni kawaria mitinare aika 154 aika a mwakuri n te Australia Perth Mition.

N taetae man te Doctrine ao Covenants, Tiekitio 4, e taekinna Unimwaane Renlund bwa ti riai ni "bane inanona."

Ni kabaneana, Unimwaane Renlund e tuangiia mitinare bwa "akea te kataaki ae e na aki butimwaeaki inanon kimwairein te Uea."

E taku bwa naake a roko a bon rina non te kaotioti n ongo aia taeka taan kairiiri aika roko. ■

"Kaain te Moomon Aika Kinaaki" A Tokanikai laon Kaangaanga

Iroun Shilo Kino

Kain ana utu ao raoraona a atong-Knga bwa "Kaain te Moomon ae rangi ni Kinaaki."

Peter Cowan e mitinare inanon uoua te ririki ibukin Ana Ekaretia Iesu Kristo ibukiia Aika Itiaki ni Boong aika Kaitira. E riki ni "kinaaki" nakoia aika mwaiti imwiin ana karaki ae moan te anainano are e kaotaki n ana taetae ana beretitenti n te mition are mai imwaina, Unimwaane Kazuhiko Yamashita, nakoia taan ongora ni kabuta te aonaaba ae raka iaon uoua te mirion aomata n ana maungatabu ni kabuta te Ekaretia n Okitobwa 2016.

Unimwaane Yamashita e tibwaua te bwai are rinanona Peter ngke e tokanikai iaon te kakaewenako ni beku n te mition i Tiaban ma rangana ae karaoaki man te kai.

Ma te mitinare ae 21-anu ririki e kanakoa ni kabane te taratara. "Kanga I namakinna ae I burababa iai," e taku.

"I kataia ao ni kabua mamaau man ataakina . . . I aki iangoia bwa te bwai ae bubura, I ti karaoa tabeu."

"Tabeman aomata a rangin n tiki-raoi, a taekinna bwa a rangin n ringaki iai. Iai nanona ae korakora nakoiu."

E taku Unimwaane Yamashita, "I kamoamoa tiaki ti ibukin Unimwaane Cowan ma ibukiia naba mitinare ni kabane ni kabuta te aonaaba ake a



beku ma nanoia ae korakora n aki winnanti ke ni ngurengure.”

Ma e kuri n aki nako ni mitinare Peter imwiin kabuanibwaina n ana bwatika ae ngaia are e a kabua iai rangana.

Ngke e kataneiai ibukin te kabon te takakaro ae teniua mwaitina ae te IronMaori onoua te ririki n nako, ana bwatika Peter e kauntabu ma te kaa ae buti ni kaitaraa.

“I taku bwa n nang bon mate,” e taku.

“Imwiina, I tuangaki bwa n na aki kona n takakaro ke n nakonako ngaia ae I taku bwa e nang toki au mwakuri ni mitinare. I tuai man ongo taekan kabuanibwai n aron aei n te mition.

“I kataia n riki bwa ‘te Mwaane ae Nanomatoa’ ma e riingai n ae korakora. I aki kona n iri ke ni karaoa te bwai teuana.”

E taku Cowan bwa te kabuanibwai e ti kakorakora riki nanona bwa e na beku.

“I kunea bwa I a tataro n ae batiriki, ni kariaia ao ni kataia ao ni karekea te rau. I tuai mai imwaina ni kabanea au tai n onimakina te Uea.”

E bon aki kantaninga bwa e na beku i Tiaban, te mition are e kainnaoa kabutan te bwatika bon te bwai ae kantaningaaki.

“E titirakinai au beretitenti n te mition ngkana e raoiroi bwa n na kabuta te bwatika ma I ti taekinna, ‘e bon nakoraoi’.”

Ma imwiin onoua te namwakaina ao tabeua uruakin te ranga ae karaoaki, e a manga kaokai nakon te Australia Sydney Meang Miton are e tauraoi iai te kaa ni kabonganaaki.

“Imwiin katukan te tareboon ma au beretitenti n te mition ao n ongora



Peter Cowan ma te beretitenti n te mition Unimwaane Yamashita ao kain abana titita Yamashita.

Peter Cowan e kantaninga bwa e na ira te Paralympics are imwiina.

te rongorongo, I tangiria ni kawakawa ni waerake n te booro ae uarereke ao n tang.

“E rawawata nanou. I tangiria n tiku. Ma iaon kawaiu nakon aobitin te mition I namakina te rau ao te kukurei. I manga tuangaki bwa e na bon raoiroi.”

Tinana ae kamoamoa, e taku Geraldine, e “mimi” ngke e ongo aran Peter n te Maungatabu ni Kabuta. “Tiaki roko n te ataia n te moan tai,” e taku.

“I (matakuakina te maungatabu) ma tarin Peter ao mwanena aika uarereke riki ni mweengan mwaneu i Australia. Akea te mata ae aki tang n te ruu.”

E atai ni kabane taekan te mwakuri ni mitinare n te Ekaretia Geraldine. Ngke e mena Peter n te Sydney South Miton, tarina ae te bwebwee Chesser e karaoa ana mition i Biribin ao tarina ae uarereke riki Benjamin e beku n te Sydney Meang Miton.

“I tiku ni maroa teutana ngke a bane n nako,” e taku Geraldine.

“Ni katoa bong n na uti ao n ataia bwa iai teniman natiu mwaane aika mitinare. Ao ko aki kona n titiraki ibukin te bwai teuana ae korakora riki nakon anne.”

E oki Peter man ana mition nakon mweengana i Hastings n Aokati ae nako.

N Tianuare e kabanea ana kabo n te biri ae te Waka Ama n te aba ao e kauoman iai.

Te tia reirei ae korakora nanona e reireiniia kaain te kurubu ae te Kapa haka n ana reirei ae rietaata mai imwaina, Hastings Boys High School, ao ni baireia bwa e na nakon te iuni-wetiri n te ririki aei.

Ma ana boutoka n te takakaro iai riki teuana ana kouru n ana karinan n ana bwaketi.

“I tangiria n angan Paralympics ana tai,” e taku.

“E reke au tai ni kataia ni biri iaon rainin te tabo ni biri n Nobembwa ae nako ao e rangin n tamaroa.

“I tangiria n anganii aomata te kantininga teutana. A taku aomata bwa akea te kantininga ibukin te aeka ni maiu aei ma e bon kewe. I tangiria ni kaungaia aomata inanon kawaia.”


E taku Cowan bwa kaungaianonana e bebete. E katuka kataakina n taetae aika karaunano:

“I tanrikaaki iaon karawawatakin te Tia Kamaiu ao tera ae E rinanona ibukira. Anne kaungaakiu ngkai I tangiria ni karekei ni kabane. Te tai are I iangoia iai, I namakinna, ‘Bon akea nanon te bwai aei; e karekeia ae kakaiaaki riki te Tia Kamaiu.’” ■

Kaain American Samoa irouia Aika Itiaki ni Boong aika Kaitira ae rangin ni Kakaonimaki e Mate

Man Ana Tabo ni Kareke Rongorongo te Moomon

TE TABO N TANGOBOKI NI TE BWABURIKI ABETI



Kaain American Samoa irouia Aika Itiaki ni Boong aika Kaitira Eni F.H. Paleomavaega "e beku ma aomata ma te nanoanga ao te tangira ao e na bon aki kona ni mwanuokinaki."

Kaain te auti n tei mai imwaina
Kao kaain Aika Itiaki e a tia ni
mate.

Eni F.H. Paleomavaega bon
kain te auti n tei man aban te U. S.
n te American Samoa. E mate ngke
73 ana ririki, a tiku imwiina buuna

Hinanui Hunkin, niman natina
ao tengaua tibuna.

Te taunimate ibukin
Paleomavaega e karaoaki i
Spanish Fork, Utah. E karaoaki
naba te tataro n taunimate n te
Gov. H. Rex Lee Auditorium i
American Samoa ni kauringa
maiuna.

E taku te Beretitenti n te
Ekaretia n Aanon te Betebeket,
Unimwaane O. Vincent Haleck,
"Ana ibuobuoki n te tai ae maan ao
ni kinaaki nakoia kaain American
Samoa bon te katooto n nanona
ae korakora ao ana tangira ibukiia
aomata aika mwaiiti, ake a kakabwaikaki
maiua man ana mwakuri n ibuobuoki."

Ni kaineti ma ana taeka te
taraekita n te American Samoa n
reitaki ma te botanaomata ibukin
te Ekaretia, Kalilimoku Hunt,
"Irarikin wanawanen ao tokanikain
Mr. Paleomavaega n te auti n tei, e
karekea kawaina rinanon te kao-
reti rinanon te Polynesian Cultural
Tienta, n aron ae a karaoia ataein
te reirei i Laie; ao e tangira ana
katangitang n te Polynesia.

"E a tia ao n riki n tainako bwa
te banna ni katooto ibukiia te roro
ae rikirake . . . ao e na teimatoa
uringakina ibukin ana konabwai n
te maiu aei."

E bungiaki Mr. Paleomavaega i
American Samoa n Aokati 15, 1943.

E karekei ana tikurii aika mwaiiti
n raonaki ma tikurii n te political
tiaienti ao te rongorongo man
Brigham Young Iuniwetiri (1966),
te tikurii n te tua man te Houston
Iuniwetiri (1972) ao te Mwatita n te
Tua man te California Iuniwetiri i
Berkeley (1973).

E moana ana mwakuri
Mr. Paleomavaega n te auti n tei
n te 1973, ni buoka te tautaeka n
American Samoa ni kawai aika a
mwaiiti.

N te 1981 e rineaki bwa te
kauoman n attorney-general ibukin
American Samoa.

N te 1985 e rineaki bwa te
riutenanti kowana n te American
Samoa.

N te 1989 e riki bwa ana tia
tei te United State, n tei ibukin
American Samoa.

E mwakuri naba Mr.
Paleomavaega n te U.S. Army
ibukin teniua te ririki imarenan
tikurii.

Taan kairiiri n aia tabo Aika
Itiaki ni boong Aika Kaitira i
Pago Pago, Sonny Aiono, e taku
Mr. Paleomavaega "e beku ma
aomata ma te nanoanga ao te
tangira ao e na bon aki kona ni
mwanuokinaki." ■



Matautia (angatai) e rang kukurei ngkai e a tia ni beku i Perth, Australia n te mition.

TAAI AIKA RAARAOI IROUIA MITINARE

Au atatai n au mition

Iroun Timuiua Bitner Matautia

T e tai ni karaoa te mwakuri ni mitinare e a tia n riki bwa te atatai are e a tia ni kamatoa nanou nakon ana euangkerio Iesu Kristo ao manga kao-kan bwaninina. Iai aomata aika rangin n onoti, kakaewenako ao ururing ake a reitinako bwa aan kateitei ibukin au kokoaua ao au tangira ibukin ana baire te Tama are i Karawa, Kateina ao Natina ao aia mition aika roko mai karawa. I kakabwaiakaki ni buokiia n aia kantanninga mai ieta ni kaoia aomata i Aotiteria Maeao n nakon Kristo.

Ni moan taai n au mition I reiakinna, man are I rinanona, mwaakan katean kouru aika onrake n te onimaki ao n te tataro mwaaka. Ngai ao toau, aika ti rangin ni boou nakon te aono, ti kaoangoaki bwa ti bane ni karekei mitinare aika ti tabeman (membwa, kairake n ataeinimwaane aika a roko n te roro n Ibonga, bwa toaia aika aki teimaan). Ti rangin ni kukurei ni karekea te tai anne. Ti aki ti buokiia ataeinimwaane ni karekei aia atatai n te mwakuri ni mitinare ao ni buokiia ni beku, ma n reirei naba mairouia. Ti tataro ao n aki mamamatam n ataia bwa ti na kanga ni karekea ae mwaiti man te tai anne ao n namakina te kairaki mai ieta ni karikirakea ara taratara rinanon katean kouru ao te babaire. Man te tai anne te tabo ae onoti aei e kinaaki irouia mitinare bwa "te aono ae karaurau," bwa antai ae

ti na titirakinia bwa tera ae tangiria te Tama are i Karawa bwa e na riki ikeke? Taekinan te bwai ae ti kantaningaia ao n iangoia bwa e na riki ma toara ae boou, ti katei kouru bwa ti na kanga ni kokoaua bwa a kaonaki ni katoa bong ma taai ibukin ara atatai n tamnei. Ngkai ti kabanea ara iango iaon taian kouru ti kona ni katei ibukiia ara aomata aika kakaawaki are ti bane ngaira n tatabemaniira n namakina karekean kouru aika rietaata riki n nakon are ti a tia ni karoai mai imwaina. Imwiin te tataro ni kokoauai ara iango ao ara namakin, ti katei kouru ibukin ara aomata ae kakaawaki ma te kukurei bwa ti na kabwaroi kakai n te wiiki aei.

Te Tabati are imwiina ti na karekei toara aika boou ma ti rangin n nanokawaki n te rongorongo are aki kona n roko toara. E rangin ni kabwaranano te rongorongo aei ngkai ti a tia ni katei kouru aika rietaata riki ao ni karoai baire aika onoti ni kakoroi bukiia are e kantaningaira bwa ti na bwenaute aono ma ara mitinare aika boou aika aki teimaan. Ke ngkana ngaia ti taku. Ngkai ti tibwaua aki kukureira ti uaia ni boraoi n namakinna bwa e rangin ni uarereke te tai ni biti kouru ake ti a tia ni katei ma te ingainga n nano. Ti uaia ni maroroakinna bwa e kanga ara namakin bwa kouru ake ti a tia ni katei a bon eti ao ngaia ae e

kantaningaia te Uea mairoura. Ma uringakin te kakoaua are ti karekeia ngke ti tataro ibukiia, ti karaoa te babaire ae boou n kabanea ara iango nako iai ao ni mwakuri korakora riki, timwaati ao ni kabatia te Tamnei ni kakoroi bukiia. Te babaire ae boou aei e uota te nano ae korakora nakon kawai ni kabane aika ti toui ao taeka ni kabane aika ti taekin ao e kabebeteaki bain te Uea, kabwaroi kakai iaora. Kainnanora aika ti a tia ni katukaki a koro bukiia ni kaangaanga ni kabane, ni kariaira bwa ti na kabanea ara iango iaoia tarira ao mwanera ma kainnanoia ao tabeaiangaia. A mwaiti riki taai aika kaukaki nakoira ibukira n te wiiki anne nakon aua wiiki n nako are ti uaia ni beku iai. Man angiin bwaikai, ti kakoroi ao ni kitan kouru ake ti a tia ni katei nakon mimiira ao ara kakaitau nakon Tamara are i Karawa. E a kaman atia bwa mitinare aika aki teimaan aikai aki kona ni karoai ma e karikirakea toau ao ngai, ao ni kanakoraoa ara onimaki ao ara koaua Irouna. A mwaiti aomata aika a tia ni motinnanoia bwa ana bwabetitoaki ao n tia ni biti maiuia.

Ai kakatongara ngai ibukin Ana akoi ae tamaroa ao te tabeaianga ae E anaia ni maiura n tatabemaniira. E katauraoia n tainako te kawai ibukira ni kakoroa nanon te bwai ae E tua-nagiira ao/ke ni kaoira ni karoia. Man te atatai aei ao a mwaiti riki ae I a tia n reiakinna n onimaki iroun te Uea ao ni katitebooa au kantaninga ma Ngaia. E na ana te bitaki ao kamaruan te nano are e kona n roko ngkana ti titiraki ao ni karoia ma te onimaki. ■

Timuiua Bitner Matautia e bungiasi i Canberra, Australia. Tamana e nako mai Sataua ao Tinana mai Lalomanu, Samoa. Bitner e beku i Perth, Australia mition man 2015–2017.

Ukeuke Kamatebwai ao Reirei

LDS Mwakuri n Ibuobuoki n te Utu

Te reirei bon te kawai ae teima-toa n te maiu! Ao naake a uko-ukora te reirei rinanon te reirei ae kinaaki ao ae aki kinaaki a na kona n namakina te atatai n te kimwarerei ao te kukurei n te maiu aei ao n te maiu ae na roko.

E taekinna Unimwaane Robert D. Hales: "E katauraoiko te reirei ibukin reken te mwakuri ae tamaroa riki. E katikuko n te tabo ae tamaroa riki ni beku ao ni kakabwaiaia naake irarikim. E na katikuko ni kawain te reirei ae teimaan. E na kakorakorako ni kaitarai bwaai aika aki tabeakinaki ao ni kairua. N aron are e reirei Iotebwa Timiti: 'Te atatai e kana-koaki ma te rootongitong, bwaai tabeua ao te raraoma; bukina bwa aki kona bwaai aikai n riki n te tabo are iai te atatai iai. . . . N te atatai iai te mwaaka.' 'E raoiroi te reiakinaki ngkana a ongotaeka nakon ana reirei te Atua.' Te reirei e na katauraoiko ibukin te bwai ae imwaaim, n raonaki ma te mare."¹

Kairake
n aomata a
buokaki raoi
ngkana
a karaoi
kouru aika
onoti man
karekean

te reirei ae tamaroa ao te kataneiai are e na katauraoia tiaki ti ibukin te mwakuri ma kakaewenako naba n te maiu ake a kaitara ma ngai inanon kawaia. A buokaki raoi ikawai bwa ana kawakin naba inanon kawaia n te reirei bon irouia, burobetino ao n tamnei. E taku n te taina Beretitenti Russell M. Nelson: "Ngaia ae au reirei . . . bwa kam na reitanako ami reirei n te tabo are ko mena iai, tera mamaten nanom ao am tai, n aron are ko taku bwa ko kona ni buokiia am utu ao kaain te kaawa."²

Te tataro ni kainiin n te Kirtland Tembora are e anganaki te burabeti Iotebwa Timiti rinanon te kaotioti are

e katauraoi kaetieti aika itiaki are te kamatebwai ao te reirei a kakawaki nakon ara rikirake: "Ao bukina bwa tiaki ni kabane iai aia onimaki, kam na botumwaaka n ukoukoroi man booki aika moan te raoiroi taeka ni wanawana, ukoukora te rabakau, n te kamatebwai ao n te onimaki naba" (D&C 109:7). Kamatebwai, reiakinaki, bon kakoauaan karikirakean taai ake a na karekea kakabwaiaia n tatabemaniia, taanga, utu ao riki te kaomiuniti. ■

BWAII AIKA A NA TARAAKI

1. Robert D. Hales, "Meeting the Challenges of Today's World", *Liahona* or *Ensign*, Nobembwa 2015, p. 44.
2. Russell M. Nelson, "Where is Wisdom?", *Ensign*, Nobembwa 1992, p. 6.

